

Hordaland fylkeskommune
Postboks 7900
5020 Bergen
hfk@hfk.no

2. mars. 2017

ENGESUND FISKEOPPDRETT AS. SØKNAD OM UTVIDING FRÅ 780 TONN MTB TIL 2340 TONN MTB PÅ LOKALITET NR. 34657 LABERGET I MASFJORDEN KOMMUNE.

Engesund Fiskeoppdrett AS har løyve på lokalitet Laberget for ein MTB på 780 tonn for konsesjonen HFJ 0010. Det vert søkt om ei utviding av anlegget til 2340 tonn MTB på lokaliteten Laberget samt endring av anleggskonfigurasjonen innanfor AK område 6 i Masfjorden kommune sin kommuneplan 2012 – 2024. Ein søker om samlokalisering av akvakulturløyvenummera HFJ 0010 (ordnært løyve), HFJ 0023 (visningsløyvet) og HFJ 0026 (grønt løyve gruppe C).

Den omsøkte lokaliteten er vist på vedlagte utsnitt av sjøkart og andre kartvedlegg i rapporten til Rådgivende Biologer AS (rapport nr 2393). Anlegget legg opp til ei miljøvenleg drift, med god plass til fisken i anlegget. Ein kan og nemne at Engesund Fiskeoppdrett AS har investert i ein topp moderne lav profil fôrflåte som er kledd med kebony (for å passe betre inn i terrenget, og har ein nedkjølande effekt på føret om sommaren). Det er eit integrert dødfisksystem i flåten, med automatisk pumping av eventuell dødfisk. På alle lokalitetar nyttar ein luseskjørt og undervassføring på 5 m djupne. Ein har og kameraovervaking i kvar merd som vert styrt frå flåten, slik at me til ei kvar tid har full visuell kontroll på fisken. Lokaliteten Laberget er ikkje godkjent for meir enn 780 tonn MTB, og for å oppnå ei meir rasjonell og økonomisk drift er det avgjerande for oss å få auka lokalitets MTB-en også på denne lokaliteten.

Det kan og nemnast at sjølv om det vert søkt om ein auke i lokalitets MTB-en, vil det ikkje bli noko særleg auke i den samla produksjonen i fjordbassenget av di det då ved full utnytting av lokalitets MTB-en på lokaliteten Laberget vil bli ein reduksjon i drifta på andre lokalitetar som er godkjent for dei same akvakulturløyvenummera.

Grunngjeving for flytting av visningskonsesjonen frå Leirvika til Laberget.

Me ønskjer å flytte visningskonsesjonen HFJ0023 frå lokaliteten Leirvika til lokaliteten Laberget. Når det nye anlegget er på plass, vil lokaliteten vere godt eigna for framsyning og formidling av sjømatproduksjon med eit topp moderne ringanlegg med Aqualine Midgard® system med liftupsystem med sentral på fôrflåten kor ein vil ha eit 30 m² rom for visning på storskjerm av fisken i merdene. Sjølve fôrflåten er utforma med relativt lavt fribord for enkel tilkomst og stabil plattform. Anlegget på Laberget vil representere ein type anlegg som ikkje er typisk for dagens lokalitetar der det ikkje finnest noko tilsvarande i Masfjorden. Lokaliteten Duesund vil fungere som hovudvisningsanlegget og ligg 15 min med båt (Arronet 23,5 fot med ribseter) frå Laberget kor gjestane først vil bli tatt ut til denne flåten før turen kan leggjast til Laberget. Laberget ligg i motsatt brakkleggjingsone som Duesund, og det vil difor alltid vere

fisk å syne fram i Masfjorden.

Grunngjeving for søknad om lokalisering av grønt løyve gruppe C til Laberget.

Engesund Fiskeoppdrett AS har i dag godkjent Ådnekvamme for ordnært (HFJ 0010) og grønt (HFJ 0026) løyve. Me har i dag mellombels løyve til drift på lokaliteten Ådnekvamme ut 2018, og oksygenmålingar i resipienten til lokaliteten har over tid synt ei gradvis reduksjon i oksygeninnhaldet. Me vil difor ikkje søkje om forlenging av vårt løyve her, og treng difor ein erstatningslokalitet for vårt grøne løyve.

Me er kjent med at om me får godkjent lokaliteten, skal lokaliteten driftast i samsvar med krava til grønt løyve:

Løysingar for å redusere risiko for påverknad av vill laksefisk som følgje av rømming:

- Utsett av postsmolt i storleiksorden 400 – 1000 gram frå lukka enhet (land/sjø)
- Bruk av ”miljønot”
- Høg bemanning på anlegget

Løysingar for å avgrense påslag/hindre spreining av lakselus:

- Utsett av postsmolt i storleiksorden 400 – 1000 gram
- Bruk av luseskjørt
- Bruk av rensfisk i form av oppdretta rognkjeks
- Bruk av funksjonelt fôr

Desse krava er sett ut frå vesentleg reduksjon i risiko for rømming og dermed og redusert påverknad på ville populasjonar av laksefisk. Krava er og sett ut frå at ein i denne typen anlegg heile tida skal kunne ha færre enn 0,1 vaksne holus av lakselus i gjennomsnitt pr fisk, mens krava til dagens drift i oppdrettsnæringa er færre enn 0,5 vaksne holus i gjennomsnitt pr fisk.

Det er planlagt etablering av landstrøm i samarbeid med grunneigar, noko som vil gje reduksjon i utslepp av eksos og støy frå generatorar, o.l

Rådgivende Biologer AS har på oppdrag frå oss gjennomført ei vurdering av den omsøkte oppdrettslokaliteten basert på kartstudiar, miljøgransking og kjennskap til tilsvarende oppdrettslokalitetar. I rapport 2393 føreligg det ei område- og lokalitetsskildring, samt resultat frå strømmåling på fire djup. Det er ikkje lagt ved resultat av siste B-gransking då lokaliteten nyleg er tatt i bruk (snart 12 månaders drift), og første B-gransking skal gjennomførast i nær framtid. Det også er lagt ved ei skisse med tekstdel som viser plasseringa av omsøkte anlegg med fortøyningar (målestokk ca 1:16500) og skisse av anlegget (målestokk ca 1:2950).

Me vonar på ei snarleg og positiv handsaming av denne søknaden. Dette ut i frå at haustutsettet av smolt skal i sjø rundt 1. september, og at det vil vere teneleg å få lagt anlegget ut på lokaliteten Laberget i juli.

Vedlagt følgjer for lokaliteten ved Laberget:

- Utfylt søknadsskjema
- kvittering for betalt gebyr for utviding av lokalitets MTB-en på Laberget (Kr 24.000)
- Rapport strømmålingar

- Rapport strømmålingar
- beredskapsplanar for anlegget
- helsefråsegn for det siste utsettet
- dokumentasjon av IK systemet

I rapport nr 2393 frå Rådgivende Biologer AS som gjelder utvidingssøknaden så finn ein:

- område- og lokalitetsskildring
- djupnetilhøve i sjøområdet på og rundt lokaliteten
- vurdering av verknader og konsekvensar
- plassering av anlegget med fortøyningsplan (M= ca 1 : 16.500)
- dokumentasjon av anlegg
- skisse av anlegget (M= ca 1 : 2 950) føreligg i rapporten

Ein har ikkje lagt ved:

- Konsekvensutredning, då den omsøkte MTB er på 2340 tonn, og anlegget vil ligge innafør område avsett til akvakultur

Når det gjeld behovet for KU i denne konkrete saka, meiner vi at denne saka er tilstrekkeleg opplyst og ikkje treng noko vidare konsekvensutgreiing. I høve til Forskrift om konsekvensutredningar for tiltak etter sektorlover av 1. januar 2015 er det omsøkte tiltaket eit Vedlegg II tiltak som skal handsamast etter § 3 i nemnde forskrift. I høve til § 3 i forskrifta kan ansvarleg mynde krevje at tiltakshavar bidreg med naudsynte opplysningar før søknaden vert sendt på høyring dersom ansvarleg mynde meiner at søknaden ikkje gjev eit tilfredsstillande grunnlag for å vurdere om tiltaket kan få vesentlege verknader. Ved dette høvet stettar søknaden dei krav som gjeld for søknader om oppdrettslokalitetar i sjø, og den omsøkte lokalitets MTB-en er relativt låg. Det er soleis lite truleg at dette omsøkte tiltaket kan få vesentlege verknader på miljø, biologisk mangfald og samfunn, og me vurderer det slik at denne saka treng ikkje noko ytterlegare konsekvensutgreiing.

Med den omsøkte lokaliseringa av anlegget på lokaliteten, viser denne søknaden med den vedlagte dokumentasjonen at lokaliteten vil vere godt eigna til fiskeoppdrett.

Me vonar på ei snarleg handsaming av Engesund Fiskeoppdrett AS sin søknad.

Med venleg helsing
for Engesund Fiskeoppdrett AS



Svein Eivind Gilje